

REGLEMENT FOR GODTGJERSLE TIL FOLKEVALDE I SAMNANGER KOMMUNE

Vedteke av Samnanger kommunestyre 27.09.2007. Sist ajourført 28.03.2017

Reglementet gjeld frå og med budsjettåret 2008.

1. Ordførargodtgjersle

Ordførar har i 2017 ei godtgjersle på kr. 699.200,- pr. år. *(Då reglementet vart vedteke hadde ordføraren ei godtgjersle på kr. 450.000 pr. år. Etter vedtak i kommunestyret i perioden 2009 – 2016 har godtgjersla auka til kr. 699.200,- pr. 01.01.2017).*

Formannskapet har ansvar for å vurdera godtgjersla kvart år, seinast 1. oktober. Dersom formannskapet meiner at godtgjersla bør endrast, må det fremjast sak til kommunestyret om dette. Endringar i ordførargodtgjersla skal normalt gjelda frå 1. januar.

Ordførarvervet vert fastsett til 100% stilling. Ordførar får ikkje utbetalt møtegodtgjersle. Ordførar vert meldt inn i pensjonsordninga for folkevalde. *(Presisering: kommunestyret vedtok 25.09.2013 i sak 050/13 at Samnanger kommune for framtida skal ha same pensjonsordning for folkevalde som for tilsette).* Godtgjersla til ordførar vert utbetalt i inntil 50 veker ved sjukdom.

Ordførar skal omfattast av § 10 i Hovudtariffavtalen - ytelser etter dødsfall/gruppelivsforsikring - på linje med tilsette i kommunen.

Ordførar har rett til ettergodtgjersle etter utløp av funksjonstida:

- Ordførar som stiler til attval, men som ikkje vert attvalt:
 - Det skal i utgangspunktet utbetalast ettergodtgjersle i tre månader. Dersom ordføraren går over i ny stilling eller til pensjon i løpet av denne tremånadersperioden, vert perioden for etterløn redusert tilsvarende, likevel slik at det minst skal utbetalast etterløn tilsvarende 1,5 månadsgodtgjersle.
- Ordførar som ikkje stiller til attval:
 - Det vert utbetalt etterløn tilsvarende 1,5 månadsgodtgjersle.

2. Godtgjersle til varaordførar

Varaordførar har i 2017 ei godtgjersle på kr. 39.900 pr. år. (Då reglementet vart vedteke hadde varaordføraren ei godtgjersle på kr. 26.000 pr. år. Etter vedtak i kommunestyret i perioden 2009 – 2016 har godtgjersla auka til kr. 39.900 pr. 01.01.2016).

Frå og med 2012 vert godtgjersla til varaordføraren regulert i samsvar med godtgjersla til andre folkevalde i kommunen, etter vedtak i kommunestyret 15.12.2011 i sak 067/11.

Den faste godtgjersla er mellom anna kompensasjon for funksjonen som stadfortredar for ordførar i feriar og ved kortare sjukefråvær hos ordføraren (opptil ein "arbeidsgjevarperiode" på 16 dagar) og på arrangement der varaordførar møter i staden for ordføraren.

I tillegg til den faste godtgjersla vert det utbetalt møtegodtgjersle til varaordførar.

Dersom ordførar vert indisponert i ein lengre periode på grunn av sjukdom e.l. og varaordførar overtek alle oppgåvene til ordførar, skal varaordførar ha utbetalt ordførargodtgjersle. Kommunestyret må i det enkelte tilfelle ta stilling til kva tidspunkt utbetalinga av ordførargodtgjersle skal gjelda frå.

Dersom varaordførar berre overtek delar av ordførar sine oppgåver, kan kommunestyret fastsetja ei passande godtgjersle.

3. Godtgjersle til leiarar av utval

- 3.1 Leiar av utvalet for naturutvalet og kontrollutvalet får ei godtgjersle på 2,25% av ordførargodtgjersla pr. år. Dekking av telefonutgifter er inkludert i denne godtgjersla.
- 3.2 Leiar i eldrerådet får ei godtgjersle på 0,75% av ordførargodtgjersla pr. år.
- 3.3 Leiarar i andre styre/råd/utval får ikkje fast årleg godtgjersle, berre møtegodtgjersle, dersom kommunestyret ikkje bestemmer noko anna når styret/rådet/utvalet vert oppretta.

Ved fråvær frå meir enn 1/3 av møta i eit kalenderår vert godtgjersla redusert med 25% av årleg fast godtgjersle. Fråvær

som skuldast sjukdom - legitimert med legeattest - skal ikkje føra til reduksjon i godtgjersla.

Dersom utvalsleiar har vore indisponert på grunn av sjukdom e.l. samanhengjande i to månader og framleis er indisponert, får nestleiar utbetalt leiargodtgjersle frå og med den tredje månaden. Dersom det før det har gått to månader er klart at leiaren vert indisponert i lengre tid, kan kommunestyret bestemma at nestleiar skal få utbetalt leiargodtgjersle før leiaren har vore indisponert i to månader.

Kyrkjestyret/soknerådet vedtek sjølve kva ordning/sats dei skal ha for økonomisk godtgjersle til leiar, men ordninga må haldast innanfor kyrkjestyret/soknerådet si budsjettramme. Ved kommunestyret si budsjettildeling til kyrkjestyret/soknerådet vert det lagt til grunn same satsar for leiargodtgjersle som tidlegare gjaldt for overformynderiet (1% av ordførargodtgjersla) og same satsar for møtegodtgjersle som for andre møte i kommunale styre/råd/uval. Det vert vidare lagt til grunn ein møtefrekvens på 10 årlege møte.

4. Møtegodtgjersle

- 4.1 Møtegodtgjersle på 0,1% av ordførargodtgjersla vert utbetalt til møtande medlemmer i kommunestyret, formannskapet, naturutvalet, kontrollutvalet, arbeidsmiljøutvalet, eldrerådet og andre andre styre/råd/utval som vert oppretta av kommunestyret.
- 4.2 Kommunalt tilsette og andre som i kraft av si stilling har møteplikt i kommunale organ får ikkje møtegodtgjersle for møte som vert haldne i arbeidstida deira. For møte utanom arbeidstida vert det utbetalt møtegodtgjersle også til denne gruppa.

Kyrkjestyret/soknerådet vedtek sjølve kva ordning/satsar dei skal ha for møtegodtgjersle. Ordninga må haldast innanfor kyrkjestyret/soknerådet si budsjettramme.

5. Møtetidspunkt

Møta i kommunestyret skal normalt haldast på dagtid.

Møta i politiske råd og utval vert lagt til det tidspunkt utvala sjølv finn mest høveleg, men i hovudsak etter kl. 14.00.

6. Tapt arbeidsforteneste, godtgjersle for barnepass/tilsyn eldre

Dersom det ved innsendt krav er naudsynt å godtgjera tapt arbeidsforteneste for møte i kommunale styre, råd og utval skal følgjande satsar nyttast:

6.1

Legitimert tap:

Inntil kr. 3.500,- pr. møte/reisedag. Summen inkluderer også evt. tapte feriepengar.

Dette gjeld alt legitimert tap, også for sjølvstendige næringsdrivande. Møte som varar mindre enn 3 timar vert godtgjort med inntil kr. 1.100,-. Summen inkluderer også evt. tapte feriepengar.

Ulegitimert tap for sjølvstendig næringsdrivande:

Gjeld sjølvstendig næringsdrivande som har hatt eit økonomisk tap, men som ikkje kan legitimera/ dokumentera kor stort tapet har vore.

- Møte som varer mindre enn 3 timar vert godtgjort med kr. 1.000.
- Møte som varer frå 3 til 6 timar vert godtgjort med kr. 2.000.
- Møte som varer meir enn 6 timar vert godtgjort med kr. 3.000.
- Reisetid til/frå møte i kommunen vert medrekna i møtetida.
- Møtetid etter kl. 17.00 vert ikkje godtgjort.

(Pkt. 6.1. vart revidert av kommunestyret 20.06.2012).

6.2 For medlemmer i politiske styre, råd og utval vert det betalt godtgjersle som for legitimerede krav ved tilsyn av barn/eldre.

6.3 Dersom den folkevalde ønskjer å få dekkja tapt arbeidsforteneste i samband med deltaking på kurs, møte og liknande utanom kommunen, må det søkjast (skriftleg eller munnleg) om dette på førehand. Det vert delegert til ordføraren å ta avgjerd i slike saker.

(Presisering av punkt 6, vedteken av formannskapet i 08.02.2012:

- *I samband med deltaking på møte i kommunale styre, råd og utval dekkar kommunen berre tapt arbeidsforteneste for folkevalde som er trekte i lønn, i samsvar med ordlyden i punkt 6 i Reglement for godtgjersle til folkevalde i Samnanger kommune. Kommunen dekkar ikkje utgifter arbeidsgjevarar har hatt i samband med folkevalde si deltaking på møte i kommunale styre, råd og utval. Det gjeld eigne reglar for sjølvstendige næringsdrivande – jmf. pkt 6.1.)*

7. Reiseutgifter, dekking av telefonutgifter

Medlemer i politiske styre, råd og utval får dekkja faktiske reiseutgifter (rimelegaste måte) i samband med møte. Andre reiser i kraft av politiske verv vert dekkja etter det kommunale reiseregulativet.

Dersom den folkevalde ønskjer å få dekkja reiseutgifter i samband med deltaking på kurs, møte og likande utanom kommunen, må det på førehand søkjast om dette (skriftleg eller munnleg). Det vert delegert til ordførar å ta avgjerd i slike saker.

Rekninga skal sendast til kommunen innan 1. desember.

Reglar for telefongodtgjersle:

- 7.1 Ordførar får disponera kommunal mobiltelefon både i og utanom arbeidstida.
- 7.2 Varaordførar får kr. 1.000,- i telefongodtgjersle pr. år.

8. Andre tillitsverv

Folkevalde som er kommunen sine representantar i ulike styre, råd og utval, og får ytingar direkte frå desse, skal ikkje samstundes ha tilsvarande godtgjersle frå kommunen.

9. Utbetalingar

Fast godtgjersle til ordførar og varaordførar vert utbetalt månadleg.

Fast godtgjersle til leiarar i utval vert utbetalt ein gong kvart halvår, normalt i juni og desember.

Møtegodtgjersle vert utbetalt i desember.

Tapt arbeidsforteneste, reiseutgifter og godtgjersle for barnepass/pass av eldre vert utbetalt ved første lønnskjøring etter at kravet er levert inn.

10. Tolking

Mynde til å avgjera spørsmål/tvister om tolking av reglementet er lagt til formannskapet.

(Informasjon om godtgjersle til folkevalde i 2017:

Kommunestyret vedtok 15.12.2016 å innføra frys i godtgjersla for politisk valde for 2017, med unnatak av for ordføraren. Dette betyr at det i 2017 vert avvik i forhold til prosentsatsane i punkt 3 og 4 i dette reglementet om godtgjersle til utvalsleiarar og møtegodtgjersle).